



59











Joan Joan Conway

OCT 31 1999

文川公肚生一毒膿潰不收口

子古愚胸高飽悶大便澹泄十九

姪惠全夜多洩瀉二十

姪老夫人右手疼二十一

一僕時疫頭痛發熱二十二

一僕時疫頭痛如破二十三

一僕時疫嘔吐煩躁口渴二十四

一鳳陽咳嗽內熱二十五

一僮二南內人小便不禁二十六





嚴柱史令媳腹中有塊疼痛 二十七

陳鹿塘脹風臍毒大便燥結 二十八

張道南內人腹痛 二十九

張道南尊堂高上痰飲痞而惡 三十

馬迪庵內人奇痰症 三十一

董老夫人眩暈 三十二

張裕全惡寒發死 三十三

高痞悶 三十四

汗出

方東塾兩脇痛 三十六

一婦懷孕內熱咳嗽 三十七

一婦心痛唇紅虫症 三十八

倪二南內人小產小腹疼痛暈厥 三十九

倪少南右頰車浮腫疼痛 四十

倪少南內人經行如崩頭暈 四十一

高仰山內痔血裏急後重 四十二

姚娘子小腹疼 四十三

張五橋先生令政痰喘咳嗽 四十四



徐文學三泉令郎右脇脹痛四十五

王祖泉乃眷遍身痛四十五

費少垣乃眷孕疾喘胎逆四十六

費一吾令政孕子淋四十七

六娘子遍身痛汗大出昏昏如醉四十八

八娘子頭痛咳嗽痰多有血四十九

姚弁山內人胸脇痛五十

李坦渠令子室咳嗽心痛腰疼五十

周衡宇咯血痰以作痞五十二

守腰疼

鄭春元頭痛內熱五十三

徐老夫人胸膈痞悶五十五

張麗川咳嗽多痰糞門發癢五十六

陳仰山內人小產二月而血大下五十七

張溪亭乃眷喉中梗梗有肉如炙癰五十八

張溪亭令媳夢亡過祖母打其背五十九

陳茂之勞倦色慾傷寒六十

陳五山胃脘痛六十一



吳心峰酒積作痛六十二

沈六叅痰飲痞滿六十三

二敬泉胸高飽悶頭暈作吐六十四

然二官傷寒六十五

天司馬令媳產後暈厥發狂六十六

孝廉臧茗泉瘡後作痢六十七

包繼可先生令眷孕而發瘡六十八

吳比部公子病眼六十九

二太守令侄筋痿七十

一書辦下油七十一

韓愈憲令媳怒後夜卧不安七十二

韓老夫人夜來臍腹痛甚七十三

丁春元令即瘡母七十四

孫令君令媳產後譫語發熱洩瀉七十五

吳來星先生楊梅風毒七十六

潘見所老先生小盛价瘕積七十七

凌絳翁痰火吐紅喘嗽七十八

周鳳亭濕熱壅滯發熱煩躁七十九



周采石濕熱生痰痞悶 八十

六令孫女龜背 八十一

閔屋樓虛損咳嗽令脊痛風竒疾 有發明 八十二

金寄間令堂痢而胸高膨脹 八十三

徐中宇之婦汗出如兩昏又憤又胸高要人足踣

金達泉令政孕三月而痢赤白 八十五

金元岩赤白痢 八十六

金達泉瘡痢交作 八十七

金寄間少陽陽明合病為瘡 八十八

淮陰胡少泉令即憂遺令愛發熱咳嗽又友人竒

一疾 八十九

吳氏婦隱疾 九十 有發明

染匠之婦腸癰 九十一

王祖泉臟毒下血 九十二



醫案二卷

明新安生生子孫一奎文垣甫輯

門人余煌

子

泰來

朋來

全閱梓

三吳治驗

王文川令郎原傷飲食。又傷於冷菱等物。遍身發黃。眼如金色。夜發熱。天明則退。腹痛手不可近。號叫通宵。市醫因其黃而曰胡荽真矣。衆議以



草頭藥進予至。急止之曰。向以草藥幾誤其母。復欲誤其子乎。蓋脾胃喜溫惡寒。且此症乃食積釀成。而黃為濕熱所致。法當健脾。用溫暖之劑下之。濕熱去而黃自退。草頭藥性多寒。用之是損脾土而益其疾也。可用哉。即以保和丸一錢。入備急丸五分。作一次服之。少頃瀉一次。又少頃連下三次。積物所下甚多。腹痛盡止。再與調中丸服一月。不但一身之黃盡退。而步履輕捷如飛。其父喜曰。神不誤我。問其故曰。始議進

草頭藥者十九。而孫君獨叱其非。余不能決而決於神。神兄孫君。服果有效。而吳我峰小樓等曰。亦孫君之藥神爾。設無孫君。神雖靈。何所顯哉。衆拊掌而噉。

施涇陽先生內人。年五十八。左脇有痰。飲母升至咽間。即脹悶。不知人事。遍身皆脹。不能卧。小水赤。診其脉。兩寸關洪滑。六部皆數。予謂此痰火症也。痰生熱。熱生風。故每發。人事不知。爾乃與牛黃清心涼膈丸。同黑虎丹服之。夜遂得睡。人



事亦安靜。再以二陳湯加滑石竹茹鬱金薄荷黃芩前胡加燈心生姜煎服。全安矣。

屠侍軒尊眷。產一日而觸於怒。大便洩瀉。昏憤不省人事。大熱氣促。汗多。衆醫謂產後脉不宜大。今脉大而左手且散亂。又汗出喘促。法在不治。予曰。固然。書云。醫冒而不起者有矣。未有不藥而起者也。且不藥而視其死。與藥而或可圖生者。孰優。予試之。亟與人參五錢。白朮三錢。炙甘草一錢五分。炮姜二錢。肉蓯六分。五味子七分。煎

服。其夜遂稍睡。予竊喜。補而得睡。其陰陽和矣。次早脉果稍收。歛喘促亦緩。大便前半夜瀉三次。五更吸粥半盃。小便通利。大有生意也。再以人參阿膠固元氣。定喘為君。白朮炮姜補脾為臣。澤蘭葉退產後之熱。五味子歛神止汗。肉蓯止瀉為佐。甘草和中為使。五帖而安。

屠學恒先生乃眷。以產後欠補。養而精神疲困。脾胃亦弱。腹中間作痛。作瀉。脉兩手皆濡軟無力。以六君子湯加藿香砂仁香附蒼朮澤瀉調理。



而安。四

周鑑泉令政。病傷寒。發熱譫語。口渴咳嗽。胃脘痛。洩瀉嘔吐。遍身發斑。診之六脉洪滑。予曰。此少陽陽明合病之症。勢亦重矣。急以升麻葛根湯加滑石五味子進之。服後汗大出。下午即退涼。而譫語止。晚進柴苓湯加五味子滑石。其夜瀉止。神思始清。次日左脉已和。右脉亦稍收。歛予喜曰。可無恙也。改用白芍為藥。為君。陳皮柴胡酒芩五味子牡蠣滑石茯苓澤瀉白朮服四帖而痊。可。五

痊可。五

大國博臧顧渚先生。病兩耳掀痒。唇燥舌乾。咳嗽吐濃痰。脉左稍浮。絃右洪滑。此胃中痰火流入肺經。鬱積久而生熱生風也。先以總管丸導其痰。又與黑虎丹祛其風熱。繼以天荅粉薄荷鬱金葛根白朮子甘草黃連連翹蟬退煎服而安。六

王南崗咳嗽氣湧。不能伏枕。吐痰不已。下午微熱。胃脘膨脹。不知飽餓。口乾舌上白胎厚。小水短。



三卷  
四  
少大便裏急後重。間有紫黑血。脉右關洪滑。左手瀉。據脉症。胃中有瘀血痰積。而肺氣亦虛也。法當先補而後瀉。以人參白朮白芍藥柴胡黃連陳皮半夏五味子桔梗與三帖。後察其肺脉已旺。乃與總管丸下之。去黑血屑極多。諸症悉減。再與紅六神丸調理而痊。七

張挑津乃政。原有小便癢閉之症。又小產後三日。臍下作疼。夜分發熱口渴。大便溏。日三四度。先與補中益氣湯。加玄胡索澤蘭葉牡丹皮服之。

連進三帖。大便實矣。惟小便頻數。滴瀝不斷。一日夜二十餘次。夜分尤多。精神甚憊。脉雖五至。不甚充指。此血虛有熱而氣亦滯也。濕熱在氣分。故口中渴。血虛故臍下痛。法當峻補其陰而淡滲其陽。以熟地黃三錢。黃柏一錢。補陰為君。萆薢去濕熱為臣。瞿麥穗澤瀉淡滲為佐。烏藥調氣甘草為使。服下臍痛全止。小便其夜亦不起。連進三帖。病脫然矣。八

陳光祿松巒翁。長厚君子也。而存心博愛。常五更



胃高脹疼。三吳名家遍延而治。寒熱溫涼藥味  
備嘗。竟無一効。禮予診之。右寸軟弱。左平。兩尺  
亦弱。予曰。此肺腎二經之不足也。補而飲之。可  
無恙矣。以補骨脂山茱萸人參各三兩。鹿角膠  
鹿角霜各五兩。杜仲巴戟白茯苓車前子各一  
兩。五錢。乾山藥二兩。鹿角膠酒化為丸。空心淡  
鹽湯送下。又以御米壳去筋膜蜜水炒三兩。訶  
子麵煨去核一兩。陳皮一兩半。煉蜜為丸。五更  
枕上白湯送下一錢。服一月。病不再發。翁由是

交予極驩也。及見予玄珠稿。大稱快。語曰。醫家  
凡得一方。輒自秘。以為高。君獨欲公諸人。是有  
意於壽蒼生者。亟付剞劂。予當助梓。因手錄予  
百餘方。製丸散以施。而亦無人德我之望。九

溧水令君吳湧瀾公尊夫人。每五更倒飽。必瀉一  
次。腹常作脹。間亦痛。脉兩手寸關洪滑。兩尺沉  
伏。予曰。此腸胃中有食積痰飲也。乃與總管丸  
三錢。生姜湯送下。大便雖行。不甚順利。又以神  
授香連丸和之。外用滑石甘草木香枳壳山查



陳皮白芍藥酒連調理而安。十

李悅齋先生夫人。胃脇大腹作疼。譫語如狂。寅卯辰三時稍輕。午後及夜痛甚。晝夜不睡。飲食不進者十八日。究其故。原有痰火與頭疼牙疼之疾。又因經行三日後。頭疼發寒熱。醫以瘡治。因大惡熱。三四人交扇之。而兩手浸冷水中。口噙水而不嚥。鼻有微衄。又常自悲自哭。目以多哭而腫。痛時即壁上亦欲飛去。劇則咬人。小便直下不固。喉梗梗。吞藥不下。脉則左絃數。右關洪

滑。予曰。此熱入血室症也。誤服治瘡剛燥之劑。而動痰火。以致標本交作。諸人猶謂熱入血室。當夜間譫語如狂。如見鬼。何至胸脇疼劇咬人也。予曰。仲景云。經水適來。適止得疾。皆作熱入血室治之。治全少陽。而以小柴胡湯為主。加涼血活血之藥。此古人成法可守也。痛極咬人者。乃胃虛。虫行求食。而不得。故喉中梗梗然也。即以小柴湯加桃仁丹皮而譫語減。次日以安蛇湯與服。而疼隨止。飲食進。遂駸駸有生意。十一



吳仲峰先生邀予診時為仲秋初二日也。六部皆沉微。而左尤甚。隱隱如珠絲之細。症則原以腸風去血。過服寒涼。致傷脾胃。自春至秋。脾洩不愈。日夜十二三行。面色黃白。帶青。兩頤浮腫。四肢亦浮。小水不能獨利。利必與大便並行。腸鳴四肢冷。口不渴。飲食大減。口唇齟肉皆白。其為人也。多憂思。夫四肢者。脾之所主。清冷為陽氣不充。兩頤乃腎經部位。浮腫益見腎氣之不足也。脈沉微。與面色黃腫。皆屬於濕。書云。諸濕腫

滿。皆屬脾土。合朕症觀之。由脾虛不運。積濕而然。虛寒明矣。病至此。勢亦甚危。第形症相符。色脈相應。又能受補。庶幾可生也。法當大溫補。升提。以東垣益胃升陽滲濕湯。加減調理。人參三錢。白朮五錢。黃耆二錢。茯苓益智仁。蒼朮澤瀉各一錢。大附子五分。炮姜炙甘草升麻防風各五分。連服八帖。諸症悉減。乃囑之曰。病雖暫愈。宜戒生冷憂思。庶服藥有效。切勿輕犯。犯之非藥石可回也。翁曰諾。敢不唯命。十二



張後溪先生令孫。遍身瘡疥浮腫。腫自足背起。漸  
腫上大腿。今且至腹。大便洩瀉。發熱不得安寢。  
此風濕之症。當令與時違之候。治從開鬼門。潔  
淨府二法。使清陽升則瀉可止。小水利則浮腫  
可消。上下分去其濕之意也。蒼朮一錢。薏苡仁  
桑白皮各三錢。青蒿防風升麻柴胡各五錢。大  
腹皮五加皮赤茯苓澤瀉各六分。八帖全安。十  
三

府佐張五橋先生夫人患喘嗽。夜分氣壅。不能仰

卧。體素弱。脉右滑大。左細弱。每咳嗽必連連數  
十聲。痰不易出。甚至作吐。以東垣人參平肺散  
加減治之。四日而愈。人參桑白皮地骨皮青皮  
茯苓五味子知母滑石麥芽天麻粳米甘草。水  
煎服。夜與白丸子。十四

方東塾患脊骨痛。牽引胃腹皆疼。舌上黃胎甚厚。  
脉沉滑而數。先與川芎羌活炙甘草蒼朮姜黃  
防風藁本枳殼梗柴胡服之。服後背脊痛減。  
腹仍痛。與木香檳榔姜黃香附青皮酒連大瓜



三  
九  
薑朮胡川芎服之。腹痛稍減。腰疼甚。知其痰積  
下行。欲去而不能也。即以木香檳榔丸下之。連  
行三四次。舌上黃胎始退。腹痛全止。脉亦軟弱。  
改以人參當歸白芍甘草茯苓陳皮白芥子香  
附柴胡青皮白朮調理而安。十五

張淨字文學發熱腹疼。洩瀉口渴。嘔吐不止。時師  
有認寒者。有認熱者。有認傷食者。予至診之。曰。  
此時疫瀉也。以二陳湯倍白朮加青蒿葛根酒  
苓白芍藥豬苓澤瀉滑石。一劑而安。十六

張一尹近川翁始以內傷外感。過服發散消導之  
劑。致胃脘當心而痛。六脉皆然而弱。此法當補  
而斂之也。白芍藥酒炒五錢。炙甘草三錢。桂枝  
一錢半。香附一錢。大棗三枚。煎糖一合。煎服一  
帖而瘳。十七

閔文川先生。肛上生一腫毒。月餘膿潰矣。但稍動  
則出鮮血不止。大便結燥。胃滿飽脹。飲食不思。  
脉兩寸短弱。關絃尺洪滑。此氣虛血熱。陷於下  
部。法宜補而升提也者。不然痔漏將作。可慮也。



黃耆二錢。歸身地榆槐朮枳壳各一錢。升麻秦  
芎各七分。荆芥穗五分。甘草三分。服後胃膈寬  
惟口苦甚。前方加酒連連翹各五分而愈。十八  
李古愚先生。每食後即大便。腹皮稍脹急。胸膈飽  
悶。醫與參朮則痞悶愈甚。小水清而長。予脉之。  
左寸瀉。右寸滑。按之如黃豆大。且鼓指。關尺之  
脉皆絃小。左尺脉迢迢有神氣。據脉乃積痰鬱  
滯於肺。莫能出。以致大便之氣不固也。法當効  
丹溪治乃散用吐。吐去上焦痰積而大便自實。

矣。先用苦梗蘿蔔子各三錢。白豈仁橘紅山梔  
仁各一錢。川芎五分。土姜三片。葱三根。水煎服  
之。取吐。服後半時許。惡心。吐出清痰。心惡之勢  
雖有。乃痰積膠固。猶不易出。又以蘿蔔子一合。  
搗漿水。加蜂蜜與半碗飲之。始吐出膠痰二椀  
餘。平日每小水。則大便並行。吐後小水始能獨  
利。連行三四次。而胸膈寬舒。初亦以吐為懼。至  
是豁然稱快。大便五日不行。始以予言為不謬  
也。再以二陳湯加白朮旋覆苓麥芽調理而全。



可矣。十九

姚惠齋先生夜多洩瀉必三五次甚且十數次。小腹時作疼按亦疼。不渴小便長醫半年不愈。予診之左寸滑餘一部皆濡弱此陽氣大虛。虛中有寒也。治當溫下元。兼之升舉。人參一錢半。黃耆白朮各二錢。白芍藥酒炒三錢。大附子五分。肉桂一錢。杜仲補骨脂各一錢半。升麻防風各七分。姜朮前服。其夜大便減半。次早雖瀉俱是白積如生豆汁狀。小腹痛止。再診之右

脉稍起連服四帖而瘳。翁喜言曰。抱病半年藥無虛日。今收功於四劑。何速哉。認病真而投劑確也。敢不銘心。二十

大京兆姚畫老夫人年幾七十。右手疼不能上頭。醫者皆以痛風治不效。益加口渴煩躁。請予診之。右手脉浮滑左平。云。謂此濕痰生熱。熱生風也。治宜化痰清熱。兼流動經絡。可瘳也。二陳湯。佐加歲靈仙酒芩白。女蚕秦艽四劑而病去如脫。二十一



一僕發熱頭疼。口渴。腹疼。小便赤。大便瀉。日夜不  
睡者六日。予診之。曰。據脈汗後浮數。熱尚不減。  
乃疫症也。以滑石三錢。青蒿。葛根。白芷。片苓。各  
一錢半。炙甘草。升麻。各五分。一帖即得睡。熱減  
大半。頭痛全除。惟小水赤。頭暈。脚膝無力。此病  
後血虛之故。以四物湯加青蒿。酒苓。薏苡仁。服  
之而安。二十二

一僕病與前類。而身如火爍。頭痛如破。大便不瀉。  
小水赤。口渴。鼻乾。不得眠。胸膈膨脹。腹飢不能

食。六脈絃而數。用竹葉石膏湯加知母。枳殼。白  
芷。葛根。大加青蒿。一帖而熱痛減半。胸膈亦寬。  
惟口渴。小水短。瀉。睡卧不安。又與化瘟丹三錢。  
井水化下。渴止。稍得睡。頭暈脚軟。喘急。與四物  
湯加青蒿。酒苓。薏苡仁。木瓜。服之全安。二十三  
一僕之病亦與前相侷。以服立一齋藥而大吐。大  
瀉。熱益增。頭痛莫能當。煩躁。口渴。鼻乾。嘔吐。小  
水短澀。寢食廢者十四日。勢甚危急。詢前所服  
藥。乃藿香。正氣散。加砂仁。厚朴。山查。大耗元氣。



之味。且五月火令當權之疫。當以甘寒之劑治之。何可以辛熱香竄者益其火而枯其津也。其勢危矣。此皆不知因時達變。惟習常膠故以誤人者。用急投人參白虎湯加竹茹葛根青蒿升麻一帖而熱除。再帖而頭痛止。諸症盡去。後連治數人多如此類。何也。此天行之疫。故一方見之。治多先以甘寒清解之劑。投之熱退。即以四物湯以補陰血。稍加清熱之劑。而青蒿之功居多。此固一時自得之愚。用錄之以告同志者。使

知治法當隨時俗為變。而常套不可不脫也。  
十四

馬鳳陽文學。五月患咳嗽。內熱。額上多汗。惡風。脈左絃數。右滑數。予曰。據絃數為陰虛滑為有痰。不亟調治。恐成虛怯。以白芍藥川歸茯苓五味子白朮甘草陳皮貝母天荅粉酒苓麥冬知母桑白皮十帖。諸症皆瘳。七月復瘳。間日一發。寒熱相半。寒熱亦俱極。渴甚。上身汗多。以石膏五錢。人參黃耆白芍藥麥冬知母各二錢。柴胡三



錢桂枝甘草陳皮貝母各一錢竹葉三十片一帖而愈。二十五

倪二南先生內人。小水不禁。一日二十餘起。脉右寸洪而有力。左寸虛。右尺沉微。此心腎不交之症也。以當歸遠志丹參牡丹皮桑螵蛸人參山茱萸益智仁黃柏知母為丸服之。五日而安。後凡遇辛苦則發。以此服之立効。二十六

汪史嚴印老長媳。少司空沈鏡老女也。患腹痛。有小塊。藟又然。腹覺冷甚。兩寸關皆滑數。兩尺皆

沉微。此脾氣弱而飲食不消。又當秋令。濕淫之候。不利亦瀉。宜預防。與白朮蒼朮茯苓甘草白朮杏仁木香半夏陳皮澤瀉煎服。其夜果瀉一度。次早又瀉一度。小腹仍疼。不少減。且裏急後重。蓋其稟賦素虛。當補中兼消。兼利。白芍藥三錢。桂心一錢。甘草人參茯苓澤瀉陳皮白朮各八分。升麻葛根各六分。服後脉皆軟弱。不滑。藟塊亦消。改以人參黃芪白朮白芍藥各二錢。炙甘草陳皮澤瀉葛根柴胡茯苓各一錢。調理而全。



新市陳鹿塘先生原有腸風臟毒之症。大便燥結。數日不能一行。痛苦殊甚。此胃寒腸熱之症。其脈兩寸皆數。兩關皆絃而無力。兩尺洪滑。而左尤甚。診畢。渠告予曰。病數年。百醫不效。望生難矣。聞公治多奇中。真一奇而生之。實再造之恩也。予憐其苦。而俛想久之。因思李東垣有云。大腸喜清而惡熱。脾胃喜溫而惡寒。以胃屬土。而大腸屬金也。今治腸胃相兼之疾。必寒非溼。

熱非灼灼。始可。乃詳酌一方。專以腸風臟毒之藥為君主。外以養血之劑裹之。使不傷胃氣。蓋藥先入胃。而後傳入大腸。入胃時。裹藥未化。及入大腸。則裹藥化。而君藥始見。庶幾兩不相妨。亦假道滅虢之策也。因以大黃酒浸九蒸九晒者二兩。槐花三兩。木耳二兩。郁李仁皂角子象牙屑條芩各一兩。血餘灰升麻荆芥穗各五錢。為末。煉蜜為丸。赤豆大。外以四物湯加蒲黃各一兩為衣。米湯送下。空心及下午各服二錢。服



此果然血止而大便不燥。飲食日加。鹿塘大喜。曰。古稱用藥如用兵。奇正相生。鮮有不克敵者。其公之謂乎。二十八

張道南先生內人。以飲食忤於氣。因腹痛。不飲食五日矣。逆予診之。兩寸關絃。尺滑。予曰。此上焦氣虛下。有鬱滯也。以姜黃。青皮為君。山查。檳榔。當歸。杏仁。烏藥。枳壳為臣。柴胡。木香為佐。吳茱萸為使。服後氣稍順。然後用葱二斤。煎湯浴洗腰腹。即將熟葱擦摩腰腹。氣通透。洗畢即安。

目少頃。其夜大便通。先下皆黑硬結塊。後皆水。此積滯行而正氣虛也。以建中湯加山查。茯苓。澤瀉。柴胡。香附。姜連。調攝之而痊。二十九

張道南先生尊堂老夫人。以勞倦致早晨鬪上有痰痞而惡心。每食熱物。目中即出泪。脉右寸關皆滑。左寸短弱。此心血不足而肺胃有痰也。以六子湯加麦芽。白豆仁。旋覆花。治之而愈。三十

馬迪庵先生內人。原以飲食過傷。又為風寒外襲。醫以內傷外感治之。後復至五更發熱唇燥。胸



中衝跳不已。手足皆冷。脉兩寸俱滑數。予謂此  
竒痰症也。以小陷胃湯加白芍藥。蘿蔔子。前胡  
酒。各二帖。次早大便行。下蛭虫八條。胸中即不  
衝跳。但覺力怯。再診之。兩寸減半。尺脉稍起。以  
二陳湯加白朮。白芍藥。酒。各調理。後四帖加當  
歸而全愈。三十一

夫宗伯董潯老夫。人常眩暈。手指及肢節作脹。脉  
右寸軟弱。關滑。左脉絃長直上。魚際兩尺皆弱。  
與亢而不下之脉。難經所謂木行乘金之候也。

總由未生育而肝經之血未破。內經云。諸風  
掉眩。皆屬肝木。兼有痰火。治當養金。一木培土  
化痰。以白朮。半夏。天麻湯。正與此對照。而  
眩暈平。再與六君子湯加天麻。白姜。蚕。以治其  
暈。加白芍藥。以瀉肝。麥門冬。人參。以補肺金。麥  
芽。枳實。神麩。蒼朮。以健脾。使宿痰去而新痰不  
生。少用黃柏。二分。為使。引熱下行。令不再發。三十一

張裕齋惡寒。痰多作呃。胃鬲不寬。兩寸俱短弱。關



洪大尺瀉。此上焦氣虛中焦有痰。下元不實也。法當清中補下。不然後將有中風之患。二陳湯加白苳仁香附藿香以開胃氣。白芥子蘿蔔子杏仁以降痰而潤大便。兩帖諸症悉去。乃錄八味腎氣丸方與之。令自調理。三十三

大柱史嚴印臺夫人年近六十。已孀居十年餘。以孀居而食長素。其婿張懷赤善予。語曰。外母近鼻塞大便瀉。胸膈不暢。醫者下之。益甚。予曰。王海藏有云。雜病酒積下之早。必成痞滿。所當慎

也。用拉子診之。兩寸沉弱。關絃大。兩尺亦弱。予曰。此陽氣甚弱。脾氣大虛。不當下而誤下之。故鼻作塞而胸痞悶也。用蒼朮川芎桂枝白芷防風桔梗以疎風而升陽氣。白苳仁蘿蔔子寬胸利膈。麥芽以助脾氣。服後鼻不塞而胸猶痞。復用東垣木香化滯湯。加只菜萸乾姜而安。乃囑之曰。病雖漸愈。若陽氣虛。脾氣弱。不宜久食素。恐中氣不充。防作中瀉。謹識之。三十四

王谷泉大便作瀉。上身熱耳中壅塞。頭眩暈。胸膈



不寬口渴痰多咳嗽六脉俱濡弱汗大出此正  
氣大虛或由尅伐太過所致當以補養為先人  
參白朮白芍藥酒炒各四錢柴胡石菖蒲陳皮  
各一錢炙甘草五分澤瀉茯苓各一錢西服而  
神清高寬脾健惟汗不斂眩暈未除再與人參  
白朮黃耆酒炒白芍藥各二錢炙甘草五分大  
附子五分桂枝三分澤瀉一錢而愈三十五  
方東莖兩脇痛上壅至胸發熱飲食不進脉左手  
沉而絃數乃積氣也右手滑痰飲也關脉濡以

脾氣不充也據症或歸於怒故痛之暴耳治當  
先去積熱消痰氣然後用補瓜蒌仁六錢枳壳  
姜連半夏各一錢半白芥子一錢牡蠣二錢炙  
甘草五分柴胡一錢五分二帖諸症盡去飲食  
進矣然恐其復發也與當歸龍會丸使行之以  
刈其根服下果行二次二十六

一婦人懷妊七月內熱咳嗽胸膈飽悶以條芩二  
錢瓜蒌仁白芍藥紫苑貝母桑白皮各一錢甘  
草三分枳壳紫蘓梗知母陳皮各七分二帖而



三異二卷  
愈三十七

一婦人心痛唇紅。痛則大發熱。頭疼少頃出汗。脉大小不一。予曰。此虫痛之症。痛吐白沫。可徵也。栝榔川椒各二錢。杏仁一錢五分。石菖蒲一錢。烏梅七个。炮姜草豆仁陳皮各五分。山梔仁一錢。一進而痛減半。再進而痛全除。二十八

倪二南內人。小產後小腹痛。夜分作熱。作暈。予曰。此氣血虛而惡露未盡也。川芎一錢半。當歸三錢。澤蘭益母草香附丹參各一錢。人參七分。荆

芥穗五分。山楂桂皮各一錢。一帖而小腹痛止。再帖而熱暈悉除。二十九

倪少南右頰車浮腫而疼。直衝太陽。大發寒熱。兩手寸關俱洪大有力。此陽明經風熱交扇所致。以軟石膏三錢。白芷升麻各一錢。葛根二錢。生熟甘草一錢。薄荷山梔子牡丹皮連翹各七分。天荅粉貫衆各一錢半。兩帖腫痛全消。四十

倪少南內人。經行如崩。勢不可遏。頭暈眼昏。脉右寸極軟弱。左近駛。此氣虛血熱之候。由氣虛而



血不固也。仲景云。血脫益氣。特用人參黃耆各  
三錢。白朮二錢。粉草五分。荆芥穗。蒲黃。側柏葉。  
姜炭各一錢。三帖全瘳。四十一

高仰山內人。痔血。裏急後重。飲食入腹。大便即行。  
晝夜行五六度。五更咳嗽。喉中痰响。肌肉脫。口  
作渴。由服痔科涼血之藥。過多致脾虛。不能統  
血也。脉六部皆軟弱無力。以四君子湯加荆芥  
穗。秦艽。陳皮。炮姜。四帖而飲食進。血全止。嗽定  
而睡寧。後減炮姜。倍加何首烏。又四帖而數年

不發矣。四十二

姚娘子小腹疼。飲食及藥入腹皆疼。疼來遍身無  
力。此由血崩而致。宜急治之。人參黃耆各二錢。  
白朮一錢。茯苓。陳皮各八分。白芍藥。貫衆各一  
錢。姜炭。荆芥穗。蓮蓬壳燒各三分。煎服而安。四十三

張五橋先生令政。鄭都諫春霖公令姊也。痰喘不  
能伏枕。且咳嗽甚。則吐痰涎。枕餘乃止。以旋覆  
苓湯為主治之。旋覆苓。紫蘆子各一錢。半夏一



錢五分。厚朴、桂皮、粉草各三分。茯苓、陳皮、桑白皮、葶藶子各八分。姜三片。水煎服。臨卧以養正丹二十粒白湯送下。兩帖痰嗽喘各減十之七。乃去葶藶子加白芥子、蘿蔔子。二帖而痊。四十四

徐文學三泉先生令郎。每下午發熱。直至天明。夜熱更甚。右脇脹痛。咳嗽吊疼。坐卧俱疼。醫以瘧治罔效。延及二十餘日。熱不能退。後醫謂為虛熱。投以參朮為主。痛益增。逆予診之。左絃大。右

滑大搏指。予曰。內經云。左右者。陰陽之道路。據脉肝胆之火為痰所凝。必勉強作文。過思不決。未火之性不得通達鬱而為疼。夜甚者肝邪實也。初治只當通調肝氣。一劑可瘳。誤以為瘧。燥動其火。補以參朮。閉塞其氣。書云。體若燔炭。汗出而散。今汗不出。舌上之胎已沉香色。熱之極矣。設不急治。立見凶危。乃以仲景小陷胸湯為主。大瓜蒌一兩。黃連三錢。半夏麴二錢。前胡青皮各一錢。水煎飲之。夜服當歸龍會丸微下之。



諸公猶爭之曰。病久而食不進。精神狼狽。若此寧可下乎。三曰。經云。肝常有餘。且脉亦為有餘。故有餘者。瀉之前時。誤認為虛。投補左矣。豈容再誤哉。服後。夜半痛止。熱退。兩帖全安。四十五王祖泉乃眷。朝飯後稍寒。惡風發熱。遍身疼痛。汗大出不止。口中熱。腹中不知餓。小水短。六脉皆瀦。以白芍藥五錢。白朮二錢。桂皮黃芩各一錢。甘草八分。二帖而汗止。寒熱除。減去白朮。加當歸而遍身痛止。四十六



